



Служба прѣбномѹ и вѣно́сномѹ о́тцѹ на́шемѹ  
серафѣмѹ, саровскомѹ чудотворцѹ.

редакция и составление Г.Смирнова

Храм Живоначальной Троицы в Останкино

Подворье Патриарха Московского и Всея Руси.

## СОДЕРЖАНИЕ

На «Господи воззвах», глас 1. Подобен «О дивное чудо». Напева Киево-Печерской Лавры. Излож. Г.Смирнова .....	3
На «Господи воззвах» (Текст).....	9
На Литии (Текст).....	13
На Стиховне (Текст).....	14
На Стиховне, глас 5. Подобен «Радуйся Живоносный кресте». Напева Оптиной Пустыни. Излож. Г.Смирно- ва.....	15
На Утрени (Текст).....	19
Акафист.....	20
На Литургии (Текст).....	34

# На Господи возвах, глас I

Подобен "О дивное Чудо"

Излож. Г.Смирнова

1. Из глубины возвах к Тебе, Господи, / Господи, услыши глас мой. \*
2. Да будут уши Твои / внемлюще гласу моления моего.

The musical score is written for voice and piano. It consists of six systems of music. Each system has a vocal line (T.I. and T.II) and a piano accompaniment (Бар. Б.). The key signature has two flats (B-flat and E-flat), and the time signature is 4/4. The lyrics are in Russian and are written below the vocal line. The piano accompaniment features a steady bass line and chords in the right hand.

О, пре-слав - но - е чу - до, по - дви - ж - ник  
 бла-го-чес-ти - я в Са-ро-ве яв-ля - ет-ся, и мо - лит-вен-ник  
 к Бо-гу теп - лый Се-ра-фим пре-чуд-ный нам бы-ва -  
 ет: ве - се - ли - ся, о - би - тель Са-ров - ска - я,  
 и - му - ще в се-бе мо-щи пре-по-доб - на - го:  
 взы - грай - те, пра - во - слав - ных мно - жес - ва, пре -

\* Запев по первому гласу обихода.

див - наго Серафима имуще в бедах заступника и во - пи - ю

ше к не - му: ра - дуй - ся, све - тиль - ни - че Рос - сий - ски - я зем - ли,

тьмы со - про - тив - ных да - ле - че от - ре - вай, и Гос - по - де - ви мо - ли - ся

да - ро - ва - ти ду - шам нашим мир и ве - ли - ю ми - лость.

3. Аще беззакония назриши, Господи, Господи, кто постоит; /  
яко у Тебѣ очищение есть.

4. Имене ради Твоего потерпех Тя, Господи, потерпе душа моя в слово Твое, /  
упова душа моя на Господа.

О, див - но - е чу - до, се бо во - ис - ти - ну

во о - би - те - ли Са - ров - стей бла - го - чес - ти - я столп не - по -

ко - ле - би - мый Се - ра - фим бла - жен - ный яв - ля - ет - ся нам.

Темже, богомудрых собори, на высоту духом возно - си - те - ся,  
 к пре - по - доб - но - му во - пи - ю - ще:  
 пре-по-доб - не от-че Се-ра-фи - ме, Гос - по-де-ви мо-ли - ся  
 да-ро-ва-ти ду-шам на - шим мир и ве-ли-ю ми - лость.

⑤ От стражи утренния до ночи, от стражи утренния, / да уповает Израиль на Господа.

Див-ны Тво-и тай - ны, Хри-сте Бо - же,  
 я - ко да - ро - вал е - си нам све - тиль - ни - ка,  
 пре - по - доб - на - го Се - ра - фи - ма,

и-ноком и всем православным христианом мо-лит-вен-ни-ка,

свя-тей о-би-те-ли по-хва-лу и у-твержде-ни-е:

мо-ли-ся, пре-по-доб-не, Гос-по-де-ви, да-ро-ва-ти ду-

шам на-шим мир и ве-ли-ю ми-лость.

6) Яко у Господа милость и многое у Него избавление:/  
и Той избавит Израиля от всех беззаконий его.

Ег-да вшел е-си, пре-по-доб-не,

в пу-сты-ню Са-ров-ску-ю, то-гда сво-ея воли до конца со-

влек-ся, твер-дое ко всем послушание по-ка-зал е-си,

до - са-ды бо и безчестия претерпел е-си, ра - ду - я - ся:

у - да - ре - ни - я и ра - ны от злых че - ло - век при -

ял е-си, о них - же и мо-лил-ся е-си, пре-по-доб - не,

Гос - по - де - ви мо - ли - ся мир ми - ро - ви да - ро - ва - ти

и ду - шам на - шим ве - ли - ю ми - лость.

⑦ Хвалите господа вси языцы, / похвалите его вси людие.

Днесь ли - ку - ют со-бо-ри вер - ных в па - мять тво - ю,

пре-по-доб-не Се - ра - фи - ме, и ве - ле - глас - но во - пи -

ют: ты люб - ве ра - ди Хри - сто - вы

вся крас - на - я ми - ра ос - та - вив и в пу - сты - ню

Са - ров - ску - ю все - лив - ся, ни - ка - ко - же у - стра - шил -

ся е - си не - ви - ди - мых враг бо - ре - ни - я,

но си - я мо - лит - ва - ми тво - и - ми я - ко прах от - ме - тал е - си.

Тем - же Гос - по - де - ви мо - ли - ся, да - ро - ва - ти ду - шам

на - шим мир и ве - ли - ю ми - лость.



## НА ВЕЛИЦЕЙ ВЕЧЕРНИ

### НА ГОСПОДИ ВОЗЗВАХ СТИХИРЫ, ГЛАС 1-Й:

**Подобен: О,** дивное чудо:

**1. Стих:** Из глубины воззвах к Тебе, Господи,/ Господи, услыши глас мой.

**2. Стих:** Да будут уши Твои/ внимлюще гласу моления моего.

**О,** преславное чúdo,/ подвижник благочестия в Сарове является,/ и моли́твенник к Богу тéплый/ Серафим пречúдный нам бывáет:/ веселíся, обитель Сарóвская,/ имуще в себе мощи преподóбнаго:/ выгра́йте, православных мнóжества,/ предивнаго Серафима имуще в бедах заступника и вопиúще к нему́:/ ра́дуйся, светильниче Росси́йския земли́,/ тьмы сопротивных далéче отревáй, // и Господеви молися даровати душам нашим мир и велию мíлость. **Дважды.**

**3. Стих:** Аще беззакония назриши, Господи, Господи, кто постоит;/ яко у Тебе очищение есть.

**4. Стих:** Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

**О,** дивное чудо, се бо воистину во обители Сарóвстей/ благочестия столп непоколебíмый/ Серафíм блаженный является нáм./ Темже, богомúдрых собóри,/ на высотú духом возносíтеся,/ к преподобному вопиúще:/ преподóбне отче Серафíме,/ Господеви молися даровати душáм нáшим// мир и велию мíлость. **Дважды.**

**5. Стих:** От стражи утренния до ночи, от стражи утренния, / да уповаает Израиль на Господа.

**Дивны Твои тайны, Христе Боже, / яко даровал еси нам светильника, преподобнаго Серафима, / иноком и всем православным христианом моли́твенника, / святей обители похвалу́ и утвержде́ние: / моли́ся, преподобне, Го́спо-деви, / даровати душáм нашим // мир и велию ми́лость.**

**6. Стих:** Яко у Господа милость и многое у Него избавление: / и Той избавит Израиля от всех беззаконий его.

**Егда вшел еси, / преподобне, / в пустыню Саровскую, / тогда своя воли до конца совлекся, / твердое ко всем послушание показал еси, / досады бо и безчестия претерпел еси, радуяся: / ударения и раны / от злых человек приял еси, / о нихже и молился еси, преподобне, / Господеви молися / мир мирови даровати // и душам нашим велию милость.**

**7. Стих:** Хвалите господа вси языцы, / похвалите его вси людие.

**Днесь ликуют собори верных / в память твою, преподобне Серафиме, / и велегласно вопиют: / ты любве ради Христовы / вся красная мира оставив / и в пустыню Саровскую вселився, / никакоже устрашился еси / невидимых враг борения, / но сия молитвами твоими / яко прах отметал еси. / Темже Господеви молися, // даровати душам нашим мир и велию милость.**

**«Слава» – глас 8:**

**Приидите, верных собори,/ похвальными песнями  
днесь пречуднаго отца прославим/ и сице ему́ возо-  
пийм:/ преподобне отче Серафиме,/ воистинну спо-  
добился еси Божественная жизни,/ приим от Бога  
венец нетленная славы./ Сего ради обитель Саров-  
ская тобою хвалится,/ людие же, зряще честную ра-  
ку мощей твоих и чудеса твоя бываемая славят/  
Прославляющаго тя Господа:/ Емуже молися, пре-  
подобне, // даровати душам нашим мир и велию ми-  
лость.**

**«И ныне» – Богородичен Догматик, глас тойже:**

**Царь Небесный/ за человеколюбие на земли явися,/  
и с человеки поживе,/ от Девы бо Чистыя плоть  
приемый/ и из Нея прошедый с восприятием./ Един  
есть Сын, сугуб естеством,/ но не Ипостасию./  
Темже совершенна Того Бога/ и совершенна Чело-  
века воистину проповедающе,/ исповедуем Христа  
Бога нашего:/ Егоже моли, Мати Безневестная, //  
помиловатися душам нашим.**

**Посем Свете Тихий:**

**Вход. Прокимен дне и чтения три.**

**Сподоби Господи.**

## НА ЛИТИИ

**Стихира храма.**

**И преподобнаго, глас 1:**

**К**ѣими похва́льными венцы́/ венчаим подвижника великаго, преподобнаго Серафѣма?/ Тѣй бо, яко наставник добрый,/ в твердости веры и добродѣтели явѣся,/ Богодохновѣнными учении и равноа́нгельным житиѣм/ приходящия к нему научая./ Тѣмже вопиѣм ему́:/ молися, преподобне, Христу Бо́гу,/ Правосла́вную веру утверди́ти// и душам нашим спасти́ся.

**П**риидите, инок множества, днесь преподобнаго благочестно восхвалим, истиннаго ученика Спасова, мирскую прелесть поправшаго, ярем Христов на рамо взявшаго и полки бесов посрамившаго. К немуже возопиим сице: не забуди нас, отче Серафиме, восхваляющих и чтущих святую память твою.

**С**ветлая и Божественная память твоя, преподобне Серафиме, удиви всех, яко безплотен бо, во плоти враги невидимыя посрамил еси, вся же страна Тамбовская и святая обитель Саровская, имущи твои святыя мощи, хвалится, сими бо здравие всем, с верою притекающим подается. Темже, просветившися тобою, вопием ти, преподобне: моли спаситимся душам нашим.

**«Слава» – глас 5:**

**Р**адуйся днесь, вся Росси́йская землѣ,/ и святая обитель Саровская, весели́ся./ Вѣрных же множества, стѣкшеся днѣсь,/ просла́вим преподобнаго отца, пастыря и учителя,/ Богомудраго наставника заблуждшим,/ скѣраго всех болящих целителя,/ Росси́йския земли великое украшѣние,/ егоже похваляюще, сице рцѣм:// преподобне Серафиме, спаси нас моли́твами твои́ми.

«И ныне» – **Богородичен, глас тойже:**

**Храм и Дверь еси, / Палата и Престол Царев, / Дево Всечестная, / Еюже Избавитель мой, Христос Господь, / во тьме спящим явися, / Солнце Сый правды, / просветити хотя, яже созда по образу Своему рукою Своею. / Темже, Всепетая, / яко Матерне дерзновение к Немю стяжавшая, / непрестанно моли // спастися душам нашим.**

**НА СТИХОВНЕ СТИХИРЫ, ГЛАС 5.**

**Подобен: Радуйся, Живоносный Кресте:**

**Радуйся, Ангелом собеседниче, / преподобне Серафиме, / благочестно бо на земли пожив, / многи, приходящая к тебе, страху Господню поучал еси. / Благодатию Пресвятаго Духа озаряемь, / зрел еси будущая, яко настоящая, / и умиления и радости многи скорбящая душею исполнял еси. / Темже молим тия: // молися Господеви о чтущих тя.**

**Стих: Честна пред Господем / смерть преподобных Его.**

**Радуйся, заблуждших учителю предивный, / Христа Господа во храме со Архангелы и Ангелы видети сподобивыйся. / И ныне, преподобне, / на Небесех Того зрения выну наслаждаяся, // молися о нас, верою творящих память твою.**

**Стих: Блажен муж, бояйся Господа, / в заповедех Его восхощет зело.**

**Радуйся, преподобне Серафиме, / всем бо хранити истинную веру Христову заповедал еси, / и Вышняго**

жития вожделев,/ богатство возненавидел еси:/ ныне же неизреченную красоту Небесную зриши/ и сладкаго пения Ангельскаго наслаждаешься.// Темже молися Господеви даровати нам мир и велию милость.

«Слава» – **глас 6:**

**Преподобне** отче Серафиме,/ кто исповесть труды твоя и болезни?/ Или кий язык изречет жестокое пустынное твоё житиё,/ бдение же и пощение,/ еще же в затворе пребывание,/ устен безмолвие и моление непрестанное?/ Воистинну явился еси постником украшение,/ молитвенник к Богу непостыдный./ Темже к тебе вопием:/ радуйся, в бедах и скорбех великое утешение/ и теплый всем предстателю.// Молися, преподобне, спастися душам нашим.

«И ныне» – **Богородичен, глас тойже:**

**Творец** и **Избавитель** мой, **Пречистая**,/ **Христос** **Господь** из **Твоих** **ложесн** **прошед**,/ в мя **Оболк**ийся,/ **первыя** **клятвы** **Адама** **свобод**и./ **Темже** **Ти**, **Всечистая**,/ **яко** **Божии** **Матери** **же** и **Деве**,/ **воистинну** **вопием** **немолчно**:/ **радуйся** **Ангельски**, **радуйся**, **Владычице**,/ **Предстательство** и **Покрове**,// и **Спасение** **душ** **наших**.

# На Стиховне, глас V

Подобен "Радуйся Живоносный Кресте"

Напева Оптиной Пустыни

Излож. Г.Смирнова

1

Т.1  
Т.П

Ра-дуй-ся, Ан-ге-лом со-бе-сед - ни-че, пре-по-доб - не

Бар.  
Б.

Се-ра-фи - ме, бла-го-чест-но бо на зем-ли по-жив,

мно - ги, приходящая к тебе, страху Господню по - у - чал е - си.

Бла - годатию Пресвятого Духа - ха о - за - ря - ем,

зрел е - си бу - ду - ща - я, я - ко на-сто - я - ща - я,

и умиления радости многи скорбящая душею ис-пол-нял е - си.

Тем-же мо - лим ти ся: мо-ли-ся Гос - по-де-ви о чу - щих тя.

## Честна пред Господем

смерть пре-по-доб - ных Е - го.

2

Ра-дуй - ся, за-блужд - ших у - чи - те - лю пре-див - ный,

Хри-ста Гос - пода во храме со Архангелы виде - ти спо-до -

би - вый - ся. И ны - не, пре - по - доб - не,

на Не-бе-сех То-го зре-ни - я вы-ну на-слаж-да - я - ся,

мо - лия о нас, верою тво - ря - щих па - мять тво - ю.



## Блажен муж бояйся Господа,

в за - по - ве - дех Е - го вос - хо - щет зе - ло.

3 Ра - дуй - ся, пре - по - доб - не Се - ра - фи - ме, всем бо хранити

истинную веру Христову за - по - ве - дал е - си, и Выш - ня - го

жи - ти - я вож - де - лев, бо - гат - ство воз - не - на - ви - дел е - си:

ны - не же неизреченную красоту Не - бес - ну - ю зри - ши

и слад - ка - го пения Ангельского на - слаж - да - е - ши - ся.

Тем - же молимся Господеви даровати нам мир и ве - ли - ю ми - лость.

## НА БЛАГОСЛОВЕНИИ ХЛЕБОВ

**Тропарь на обретение мощей прп. Серафима, глас 4:**

**От юности Христа возлюбил еси, блаженне, / и, Тому́ Единому работати пламенне вожде́лэв, / непрестанною молитвою и трудом в пустыни подви́зэлся еси́, / умилённым же сердцем любовь Христо́ву стяжа́в, / избранник возлюблен Божия Матере яви́лся еси́. / Сего ра́ди вопиём ти́: // спасай нас молитвами твоими, Серафиме, преподобне о́тче на́ш. **Дважды.****

**и Богородице Дево: Единожды.**

**Тропарь на прославление преподобнаго Серафима, глас 4:**

**От юности Христа возлюбил еси, преподобне, / и Тому́ Единому поработати пламенне вожде́лэл еси́, / в пустынном житии твоём непрестанною молитвою и трудом подви́зэлся еси́, / умилённым сердцем любовь Христо́ву стяжа́в, / Небесным Серафимом в песнословии спобóрниче, / в любви́ притекающим к тебе Христу подража́телю, / темже избранник возлюблен Божия Матере яви́лся еси́, / сего́ ради вопиём ти́: / спасай нас молитвами твоими, радости на́ша, / теплый пред Богом засту́пниче, // Серафиме блаженне.**

## НА УТРЕНИ, НА БОГ ГОСПОДЬ:

### Тропарь преподобного Серафима, глас 4:

**От юности Христа возлюбил еси, блаженне, / и, Тому́  
Единому работати пла́менне вожделёв, / непрестан-  
ною молитвою и трудом в пустыни подвиза́лся еси́, /  
умилённым же сердцем любовь Христо́ву стяжа́в, /  
избранник возлюблен Божия Матере яви́лся еси́. /  
Сего ра́ди вопиём ти́: // спасай нас молитвами твоими,  
Серафиме, преподобне о́тче на́ш. **Дважды.****

### «Слава, и ныне» – Богородичен, глас 4:

**Еже** от века утаёное / и Ангелом несведомое  
та́инство, / Тобою, Богородице, сущим на земли  
яви́ся Бо́г, / в неслитном соединении воплоща́ем / и,  
Крест волею нас ра́ди восприём, / и́мже воскресив  
первозда́ннаго, // спасе от смерти души на́ша.

### АКАФИСТ ПРЕПОДОБНОМУ И БОГОНОСНОМУ ОТЦУ НАШЕМУ СЕРАФИМУ, САРОВСКОМУ ЧУДОТВОРЦУ

#### Кондак 1

**Избранный** чудотво́рче и предивный уго́днице Хри-  
сто́в: / ско́рый помо́щнице и моли́твеннице на́ш, /  
преподо́бне о́тче Серафа́име! / Велича́юще про-  
сла́вльшаго тя Господа, воспеваем ти похва́льна. / Ты  
же, имéяй велие дерзновение ко Го́споду, / от всяких  
нас бе́д свободи, зову́щих: // **Радуйся**, преподобне  
Серафиме, Саровский чудотво́рче.

#### Икос 1

**Ангелов** Творец избра ты изначала, да прославиши житием  
твоим пречудное Имя Святыя Троицы: явился бо еси во-

истинну ангел на земли и во плоти серафим, яко луч пресветлый вечнаго Солнца Правды, просветися житие твое. Мы же, зряще прехвальныя труды твоя, с благоговением и радостию глаголем ти сицевая:

**Радуйся**, правило веры и благочестия:/ **Радуйся**, образе кротости и смирения.

**Радуйся**, преславное верных величание:/ **Радуйся**, претихое скорбным утешение.

**Радуйся**, прелюбимое иноков похваление:/ **Радуйся**, живущим в мире предивное поможение.

**Радуйся**, **Российския** державы славо и ограждение:/ **Радуйся**, **Тамбовския** страны священное украшение.

**Радуйся**, преподобне Серафиме,/ Саровский чудотворче.

### **Кондак 2**

**Видящи** мати твоя, преподобне отче Серафиме, теплую любовь твою ко иноческому житию, позна святую волю Господню о тебе, и Богу яко дар совершен приносящи, благослови тя на тесный путь иноческий святым крестом своим, егоже до конца жития твоего на персех носил еси, знаменуя велию любовь твою к распеншемуся за ны Христу Богу нашему, Емуже вси со умилением зовем: Аллилуиа.

### **Икос 2**

**Разум** небесный тебе даровася, святче Божий: от юности твоя не простая помышляти о Небеснем, оставил еси дом отчий, Царствия Божия ради и правды Его. Сего ради прими от нас похвалы сия:

**Радуйся**, града Курска чадо богоизбранное:/ **Радуйся**, родителей благочестивых отрасль пречестная.

**Радуйся, добродетели матери своея унаследивый:/ Радуйся, благочестию и молитве ею наученный.**

**Радуйся, на подвиги от матери крестом благословленный:/ Радуйся, благословение сие яко святыню до смерти соблюдый.**

**Радуйся, любви ради Господа дом отеческий оставивый; Радуйся, вся красная мира сего ни во чтоже вменивый.**

**Радуйся, преподобне Серафиме,/ Саровский чудотворче.**

### **Кондак 3**

**Сила Вышняго от юности твоя воистинну храняше тя, преподобне: с высоты бо храма спадша сохрани тя Господь неврежденна, и страждущу ти люте сама Владычица мира явися, с небес исцеление принеши, зане измлада верно служил еси Богу, выну взывая Ему: Аллилуиа.**

### **Икос 3**

**Имея тщание о подвиге иноческаго равноангельнаго жития, во град святыи Киев поклонения ради преподобным печерским притекл еси, и от уст преподобнаго Досифеа повеление приим в пустыню Саровскую путь свой управити, верою издавеча облобызал еси место святое сие, и, тамо вселився, житие твое богоугодное скончал еси. Мы же, дивящися таковому о тебе Божию промыслению, со умилением вопием ти:**

**Радуйся, мирския суеты отрешивыйся:/ Радуйся, Небеснаго Отечества пламенно возжелевый.**

**Радуйся, Христа всем сердцем возлюбивый:/ Радуйся, благое иго Христово на себе восприемый.**

**Радуйся, совершеннаго послушания исполненный:/ Радуйся, святых заповедей Господних блюстителю верный.**

**Радуйся, ум твой и сердце в Бозе молитвенно утвердивый:/ Радуйся, столпе благочестия непоколебимый.**

**Радуйся, преподобне Серафиме,/ Саровский чудотворче.**

#### **Кондак 4**

**Бурю злых напастей утишая, прошел еси весь путь тесный и скорбный подвига иноческаго, несый ярем пустынного жития, затвора и молчания, многонощнаго бдения, и тако благодатию Божиею восходя от силы в силу, от деяния к боговидению, преселился еси во обители горния, идеже со Ангелы поеши Богу: Аллилуиа.**

#### **Икос 4**

**Слышаще и видяще святое житие твое, преподобне отче Серафиме, вся братия твоя удивляхуся тебе и, приходяще к тебе, поучахуся о словесех твоих и подвизах, славяще Господа, дивнаго во святых Своих. И мы вси с верою и любовью восхваляем тя, преподобне отче, и вопием ти сице:**

**Радуйся, всего себе в жертву Гóсподеви принесый:/ Радуйся, на высоту безстрастия возшедый.**

**Радуйся, воине Христов добропобедный:/ Радуйся, Небеснаго Домовладыки рабе благий и верный.**

**Радуйся, предстателю о нас пред Господом непостыдный:/ Радуйся, к Богородице молитвенниче наш неусыпный.**

**Радуйся, пречуднаго благоухания крине пустынный:/ Радуйся, благодати Божия сосуде непорочный.**

**Радуйся, преподобне Серафиме,/ Саровский чудотворче.**

#### **Кондак 5**

**Божественный свет осия жилище твое, преподобне, егда болящу ти и на одре смертнем лежащу, сама Пречистая Дева, пришедши к тебе со святыми Апостолы Петром и**

Иоанном, рече: сей есть от рода нашего,- и главе твоей коснуся. Абие же исцелев, воспел еси благодарне Господеви: Аллилуиа.

### Икос 5

**В**идя враг рода человека чистое и святое житие твое, преподобне Серафиме, восхоте погубити тя: наведе бо на тя люди злы, иже беззаконно истязаша тя и еле жива суща оставиша: ты же, отче святыи, яко агнец кроток, вся претерпел еси, за обидящих тя Господеви моляся. Темже мы вси, таковому твоему незлобию дивящеся, вопием ти:

**Р**адуйся, в кротости и смирении твоём Христу Богу подражавый:/ **Р**адуйся, незлобием твоим духа злобы победи́вый.

**Р**адуйся, чистоты душевныя и телесныя хранителю усёрдный:/ **Р**адуйся, пустынножителю, дарами благодатными преисполненный.

**Р**адуйся, подвижнице богопрославленный и прозорливый:/ **Р**адуйся, наставнице монахов предивный и богомудрый.

**Р**адуйся, святыя Церкви похвало и радование:/ **Р**адуйся, обители Саровския славо и удобрение.

**Р**адуйся, преподобне Серафиме,/ Саровский чудотворче.

### Кондак 6

**П**роповедует пустыня Саровская подвиги и труды твоя, богоносне угодниче Христов: дебри бо и леса ея молитвою облагоухал еси, пророку Божию Илии и Крестителю Господню Иоанну подражая, и явился еси пустыни прозябение многоплодное дарами Духа Святаго. Егоже действием многая и преславная совершил еси, подвизая верных воспевати благих подателю Богу: Аллилуиа.

## Икос 6

**Возсия** в тебе новый боговидец, Моисею подобный, Серафиме блаженне: непорочно бо служение олтарю Господню совершая, сподобился еси зрети Христа, во храме со Безплотными Силами грядуща. Сему Божию о тебе благоволению дивящися, воспеваем ти сице:

**Радуйся**, боговидче пресла́вный:/ **Радуйся**, светом трисиянным озарённый.

**Радуйся**, Пресвятыя Троицы служителю вёрный:/ **Радуйся**, Духа Святаго жилище украшённое.

**Радуйся**, Христа со Ангелы телесныма очима лицезре́вый:/ **Радуйся**, в брennem телеси райскую сладость предвкусивый.

**Радуйся**, хлебом жизни насы́щенный:/ **Радуйся**, питием безсмертия напоённый.

**Радуйся**, преподобне Серафиме,/ Саровский чудотворче.

## Кондак 7

**Хотя** Человеколюбец Господь явити в тебе, преподобне, Свое неизреченное к людем милосердие, показа тя яко воистинну светило богосветлое: дела бо и словеса твоими всех приводил еси ко благочестию и любви Божией. Темже сиянием подвигов твоих просвещени и хлебом учения твоего насыщени, тебе усердно величаем и прославльшему тя Христу вопием: Аллилуиа.

## Икос 7

**Новаго** видяще тя избранника Божия, издалеча притекаху к тебе вернии в скорбех и болезнях: и сих, бедами отягченных, не отринул еси, источая целения, даруя утешение, предстательствуя в молитвах. Темже исхождаше во всю



землю **Р**оссийскую вещание чудес твоих, и сице ты славляху духовная чада твоя:

**Р**адуйся, пастырю наш добрый:/ **Р**адуйся, отче милостивый и кроткий.

**Р**адуйся, врачу наш скорый и благодатный:/ **Р**адуйся, немощей наших целителю милосердый.

**Р**адуйся, в бедах и обстояниях помощниче скорый:/ **Р**адуйся, душ смятенных умирителю пресладостный.

**Р**адуйся, грядущая яко настоящая провидевый:/ **Р**адуйся, прегрешений сокровенных обличителю прозорливый.

**Р**адуйся, преподобне Серафиме,/ Саровский чудотворче.

### **Кондак 8**

**С**транное чудо видим на тебе, преподобне: яко старец сый немощный и притрудный, тысящу дний и тысящу ночий на камени в молитве пребывал еси. Кто доволен изрещи болезни и борения твоя, блаженне отче, яже претерпел еси, воздея преподобней руке твои к Богу, Амалика мысленного побеждая и Господеви поя: Аллилуиа.

### **Икос 8**

**В**есь еси желание, весь сладость, Сладчайший Иисусе! тако в молитвах взывал еси, отче, в пустынном безмолвии твоём. Мы же, суетою помраченнии и во гресех все житие иждившии, восхваляюще любовь твою ко Господу, сице вопием ти:

**Р**адуйся, любящим и чтущим тя ходатаю спасения:/ **Р**адуйся, приводяй грешников ко исправлению.

**Р**адуйся, молчальниче и затворниче предивный:/ **Р**адуйся, молитвенниче о нас усердный.

**Р**адуйся, пламенную любовь ко Господу показавый:/ **Р**адуйся, огнем молитвы стрелы вражия попаливый.

**Радуйся, свеще неугасимая, молитвою в пустыни пламенеющая:/ Радуйся, светильниче, горяй и светяй даровании духовными.**

**Радуйся, преподобне Серафиме,/ Саровский чудотворче.**

### **Кондак 9**

**Все естество ангельское удивися странному зрению: старцу бо сущу в затворе Небесе и земли Царица явися, повелевающи, да открыет затвор свой и да не возбранит людем православным внити к себе, но да всех пети научит Христу Богу: Аллилуиа.**

### **Икос 9**

**Ветии многовещаннии не возмогут изрещи крепость любви твоея, блаженне: предал бо еси себе на служение всем приходящим к тебе, повеление Богоматере исполняя, и был еси недоумевающим советник благий, унывающим утешитель, заблуждающихся кроткое вразумление, болящих врач и целитель. Сего ради вопием ти:**

**Радуйся, от мира в пустыню вселивыйся, да добродетели приобретаещи:/ Радуйся, из пустыни в обитель возвративыйся, во еже добродетели семена сѣяти.**

**Радуйся, Духа Святаго благодатию осиянный:/ Радуйся, кротости и смирения исполненный.**

**Радуйся, притекавшим к тебе отец чадолюбивый:/ Радуйся, в словесех любви ободрение и утешение им подававший.**

**Радуйся, приходящия к тебе радостию и сокровищем именовавший:/ Радуйся, за любовь твою святую радостей Небеснаго Царствия сподобивыйся.**

**Радуйся, преподобне Серафиме,/ Саровский чудотворче.**

## Кондак 10

**С**пасительнаго твоего подвига, преподобне, достиг скончания, на молитве коленопреклоненно, святую душу твою в руке Божии предал еси, юже Ангели святии вознесоша горе ко престолу Вседержителя, да со всеми святыми предстоиши во славе невечерней, воспевая песнь хвалебную святых святейшему Слову: Аллилуиа.

## Икос 10

**С**тена всем святым и иноком отрада, Пресвятая Дева пред кончиною твоею явися ти, провозвестивши близкое твое к Богу отшествие. Мы же, дивящися таковому посещению Богоматере, вопием ти:

**Р**адуйся, небесе и земли царицу лицезрѣвый:/ **Р**адуйся, явлением Божия Матере обрадованный.

**Р**адуйся, весть от нея ко преселению небесному приѣмый:/ **Р**адуйся, праведною кончиною святость жития твоего показавый.

**Р**адуйся, в молитве пред иконою Богоматере умиленный дух твой Богу предавый:/ **Р**адуйся, неболезненным исходом проречения твоя исполненный.

**Р**адуйся, венцем безсмертия от руки Вседержителя увенчанный:/ **Р**адуйся, блаженство райское со всеми святыми унаследовавый.

**Р**адуйся, преподобне Серафиме,/ Саровский чудотворче.

## Кондак 11

**П**ение непрестанное Пресвятей Троице вознося, преподобне, всем житием твоим подвижник великий благочестия явился еси, заблудшим на вразумление, болящим душею и телом на исцеление. Мы же, благодарни суще Гос-

подеви за таковую милость Его к нам, выну зовем Ему:  
Аллилуиа.

### Икос 11

**С**ветоподательный светильник быв в житии, богоблаженне  
отче, и по смерти твоей возсиял еси яко светозарное све-  
тило **Р**оссийския земли: источаеши бо от честных мощей  
твоих токи чудес всем с верою и любовью к тебе прите-  
кающим. Темже мы, яко молитвеннику о нас теплomu и  
чудотворцу вопием ти:

**Р**адуйся, множеством чудес от Господа прославленный:/  
**Р**адуйся, любовью твоею всему миру возсиявый.

**Р**адуйся, любви Христовы верный последователю:/ **Р**а-  
дуйся, утешение всем требующим твоея помощи.

**Р**адуйся, источнике чудес неоскудеваемый:/ **Р**адуйся, бо-  
лящих и недужных исцелителю.

**Р**адуйся, воды многоцелебная кладязю неисчерпаемый:/  
**Р**адуйся, яко вся концы земли наша любовь твоею  
объял еси.

**Р**адуйся, преподобне Серафиме,/ Саровский чудотворче.

### Кондак 12

**Б**лагодать и велие твое дерзновение пред Богом ведуще,  
тебе, преподобне отче, молимся: молися тепле ко Господу,  
да хранит Церковь Свою святую от неверия и раскола, от  
бед и напастей, да поем тобою благодееющему нам Богу:  
Аллилуиа.

### Икос 12

**П**оюще твое прославление, ублажаем тя, преподобне, яко  
многомощна молитвенника о нас пред Господем, утешите-  
ля и заступника, и с любовью возглашаем ти сице:

**Радуйся, Церкви правосла́вныя похвало́:/ Радуйся, отече-  
ству нашему щит и огражде́ние.**

**Радуйся, путеводителю, всех к небеси направля́яй:/ Ра-  
дуйся, защитниче наш и покрови́телю.**

**Радуйся, силою Божиею многия чудеса соде́явый:/ Ра-  
дуйся, ризою своею многия недужныя исцели́вый.**

**Радуйся, вся козни диавольския победи́вый:/ Радуйся,  
звери дикия кротостию своею покори́вый.**

**Радуйся, преподобне Серафи́ме,/ Саровский чудотво́рче.**

### **Кондак 13**

**О предивный угодниче и великий чудотворче, преподобне  
отче Серафиме, прими малое сие моление наше, в похва-  
лу тебе возносимое, и предстоя ныне престолу Царя цар-  
ствующих, Господа нашего Иисуса Христа, молися о всех  
нас, да обрящем милосердие Его в день судный, в радости  
поюще Ему: Аллилуиа. Трижды.**

### **Икос 1**

**Ангелов Творец избра ты изначала, да прославиши житием  
твоим пречудное Имя Святыя Троицы: явился бо еси во-  
истинну ангел на земли и во плоти серафим, яко луч пре-  
светлый вечнаго Солнца Правды, просветися житие твое.  
Мы же, зряще прехвальныя труды твоя, с благоговением и  
радостью глаголем ти сицевая:**

**Радуйся, правило веры и благоче́стия:/ Радуйся, образе  
кротости и смире́ния.**

**Радуйся, преславное верных велича́ние:/ Радуйся, прети-  
хое скорбным утеше́ние.**

**Радуйся, прелюбимое иноков похвалéние:/ Радуйся, жи-  
вущим в мире предивное поможе́ние.**

**Радуйся, Российския державы славо и ограждѣние:/ Радуйся, Тамбовския страны священное украшѣние.**

**Радуйся, преподобне Серафѣме,/ Саровский чудотворче.**

### **Кондак 1**

**Избранный чудотворче и предивный угѣднице Христѣ:/ скорый помощниче и молитвенниче наш,/ преподобне отче Серафѣме!/ Величюще прославльшаго тя Господа, воспеваем ти похвальна./ Ты же, имѣяй велие дерзновение ко Господу,/ от всяких нас бѣд свободи, зовущих:// Радуйся, преподобне Серафиме, Саровский чудотворче.**

## **МОЛИТВЫ ПРЕПОДОБНОМУ СЕРАФИМУ**

### **Молитва первая:**

**О, пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земнаго жития твоего никтоже от тебе тощ и не утешен отиде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрения, дар немощных душ врачевания, обилен в тебе явися. Егда же призвать Бог от земных трудов к небесному упокоению, николиже любовь твоя преста от нас, и невозможно есть исчислити чудеса твоя, умножившаяся, яко звезды небесныя: се бо по всем концем земли нашае людем Божиим являешия и даруеши им исцеления. Темже и мы вопием ти: о претихий и кроткий угѣднице Божий, дерзновенный к нему молитвенниче, николиже призывающия Тя отривай, вознеси о нас благомощную твою молитву ко Господу сил, да укрепит отечество наше, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию научит нас, во еже безпреткновенно внити нам в вечное небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу до скончания века. Аминь.**

### Молитва вторая:

**О**, великий угодниче Божий, преподобне и богоносне отче наш Серафиме! Призри от горния славы на нас, смиренных и немощных, обремененных грехи многими, твоя помощи и утешения просящих. Прииникни к нам благосердием твоим и помози нам заповеди Господни непорочно сохранять, веру Православную крепко содержать, покаяние во гресех наших усердно Богу приносить, во благочестии христианством благодатно преуспевати и достойны быти твоего о нас молитвеннаго к Богу предстательства. Ей, святче Божий, услыши нас, молящихся тебе с верою и любовию, и не презри нас, требующих твоего заступления: ныне и в час кончины нашей помози нам и заступи нас молитвами твоими от злобных наветов диавольских, да не обладает нами та сила, но да сподобимся помощью твоею наследовати блаженство обители райския. На тя бо упование наше ныне возлагаем, отче благосердый: буди нам воистинну ко спасению путевождь и приведи нас к невечернему свету жизни вечныя Богоприятным предстательством твоим у престола Пресвятыя Троицы, да славим и поем со всеми святыми достопокланяемое имя Отца и Сына и Святаго Духа во веки веков. **Аминь.**

### Величание:

**У**блажаем тя,/ преподобне отче Серафиме,/ и чтим святую память твою,/ наставниче монахов// и собеседниче Ангелов.

### Псалом избранный:

**Т**ерпя, потерпех Господа, и внят ми, и услыша молитву мою. **П**остави на камени ноге мои и исправи стопы моя. **С**е удалихся, бегая, и водворихся в пустыни. **У**подобихся неясоти пустынной. **Б**дех и бых, яко птица, осбьящаяся на зде. **К**олена моя изнемогоста от поста, и плоть изменися еля ради. **С**лезами моими постелю мою омочу. **Я**ко обыдоша мя пси мнози, сонм лукавых одержаша мя. **Н**апрягоша лук свой вещь горьку, состреляти в тайнах непорочнога. **П**резрех Господа предо мною выну, яко одесную

менé есть, да не подви́жуся. **В**си языцы обыдо́ша мя, и именем Господ́ним противля́хся им. **Б**лагословен Господь, Иже не даде́ нас на лови́тву зубо́м их. **Д**а исповедятся Тебе́, Господи, вся дела́ Твоя́, и преподо́бнии Твои да благословя́т Тя. **И** увéдите, я́ко удивí Господь преподо́бнаго Своего́. **И** утрудíся во век, и жив б́удет до конца́. **Х**ранит Господь души преподо́бных Своих. **В**осхва́ляются преподо́бнии во сла́ве и возра́дуются на ло́жах свои́х. **Ч**естна́ пред Го́сподем смерть преподо́бных Его́, исповедайте память святыни Его, во всех лю́дех чудеса́ Его.

**Таже степенна, 1-й антифон 4-го гласа.**

**Прокимен, глас 4:** Честна пред Господем/ смерть преподобных Его.

**Слава:** Молитвами преподобнаго Серафíма милостивее очисти...

**И ныне:** Молитвами Богородицы...

**По 50-м псалме стихира, глас 6:**

**Д**несь, вернии, духовно торжествующе/ в нарочитем празднике преподобнаго отца/ и благочестно радующеся, тому тёпле возопиим:/ радуйся, Серафиме блаженне;/ радуйся, Небесный человеце и земный Ангеле;/ радуйся, многих на путь спасения наставивый;/ радуйся, верным похвало и **Р**оссийстей земли утверждение.// Молися о душах наших.



## ИРМОСЫ:

**Богородицы со ирмосом на 6 (ирмосы по дважды) и преподобного (два канона) на 8. Катавасия «Отверзу уста моя...».**

### Песнь 1

**Ирмос, глас 8:** Воду прошэд яко сýшу,/ и египетскаго злá избежáв,/ израильтянин вопияше:// избавителю и Богу нашему поим.

**Катавасия:** Отвэрзу уста моя,/ и напóлнятся Дýха,/ и слово отрыгну Царице Мáтери,/ и явлюся светло торжествúя,// и воспою рáдуясь Той чудесá.

### Песнь 3

**Ирмос:** Небéснаго кру́га/ Верхотворче, Гóсподи,/ и Цérкве Зиждítелю,/ Ты мене утверди в любви́ Твоей,/ желаний краю, верных утверждéние,// едíне Человеколю́бче.

**Катавасия:** Твоя песнословцы Богорóдице,/ живый и незавíстный истóчнице,/ лик себе совокупльшия, духовно утверди́,/ в божественней Твоей слáве// венцев слáвы сподоби.

### Песнь 4

**Ирмос:** Услышах, Гóсподи,/ смотра́ния Твоего та́инство,/ разумéх дела́ Твоя// и прослáвих Твое́ Божество́.

**Катавасия:** Седя́й в слáве,/ на престоле Божества,/ во облаце лéгце,/ при́иде Иису́с Пребоже́ственный,/ нетленною длáнию,/ и спасе зовúщия:// слава, Христé, силе Твоей.

### Песнь 5

**Ирмос:** Просвети нас повелении Твоими, Гóсподи,/ и мышцею Твоею высóкою/ Твой ми́р пода́ждь нам,// Человеколю́бче.

**Катавасия:** Ужасошася всяческая/ о божественной славе  
Твоей:/ Ты бо Неискусобращная Дево,/ имела еси во ут-  
робе над всеми Бóга,/ и родила еси Безлетнаго Сына,/  
всём воспевающим Тя// мiр подавающая.

### Песнь 6

**Ирмос:** Молитву пролию ко Гóсподу,/ и Тому возведу пе-  
ча́ли моя,/ яко зол душа моя исполнися,/ и живот мой а́ду  
прибли́жися,/ и молюся я́ко Ио́на:// от тли, Бóже, возведи́  
мя.

**Катавасия:** Божественное сие и всечестно́е/ совершающе  
пра́зднество/ богомудрии Богома́тере,/ приидите руками  
восплещим,// от Нея рождшагося Бóга славим.

### Кондак, глас 2:

**Мiра** красоту и яже в нем тленная оставив, преподо́бне,/ в  
Сарóвскую обитель всели́лся еси/ и, та́мо а́нгельски по-  
жи́в,/ мно́гим путь был еси ко спасе́нию,/ сего́ ради и  
Христос тебе, отче Серафиме, просла́ви/ и да́ром исцеле-  
ний и чудес обогати́./ Те́мже вопием ти:// радуйся, Сера-  
фиме, преподобне о́тче наш.

### Песнь 7

**Ирмос:** От Иудеи дошедше о́троцы,/ в Вавило́не иногда́,/ в  
верою Троическою пламень пещный попра́ша, поюще://  
отцев Бóже, благословен еси́.

**Катавасия:** Не послужиша твари богомудрии/ па́че Соз-  
да́вшаго,/ но огненное прещение мужески попра́вше,/ ра-  
довахуся поюще:// препетый отцев Господь и Бóг благо-  
словен еси́.

### Песнь 8

**Ирмос:** Царя́ Небе́снаго,/ Его́же поют вои а́нгельстии,//  
хвалите и превозносите во вся ве́ки.

**Катавасия:** Отроки благочестивыя в пещи́,/ Рождество Богородичо спасло́ есть,/ тогда убо образу́емое,/ ныне же действующее,/ вселенную всю воздвизает пѣти Тебѣ:/ Гóспода пойте дела́, // и превозносите Его́ во вся веки.

### Песнь 9

**Ирмос:** Воистинну Богородицу/ Тя́ исповѣдуем,/ спасеннии Тобою, Дево чѣстая, // с безплотными лики Тя́ величающе.

**Катавасия:** Вся́к земнорóдный/ да взыграется Духом просвещáемь,/ да торжествует же безплотных умóв естество́,/ почитающее священное торжество́ Богомáтере,/ и да вопиѣт:/ радуйся Всеблаже́нная // Богородице, Чѣстая Присноде́во.

### НА ХВАЛИТЕХ СТИХИРЫ НА 4, ГЛАС 8:

**1. Стих:** Хвалите Его на силах Его, / хвалите Его по множеству величества Его.

**2. Стих:** Хвалите Его во гласе трубнем, / хвалите Его во псалтири и гуслех.

**Приспе** всечестный праздник обители Сарóвския, / память преподобнаго Серафѣма, / емуже ныне сѣце возопиим: / радуйся, постником светило и утверждение, / иноком звезде, якоже волхвом, / показующая путь в Небесныя обители, / священником похвале преславная, / любви и целомудрия источниче неизсякаемый, / светильниче пресветлый духовнаго разсуждения. // Радуйся, правило добродетелем великое. **Дважды.**

**3. Стих:** Хвалите Его в тимпане и лице, / хвалите Его во струнах и органе.

**Блаженне** отче Серафиме, Христови воистинну последовал еси, братолюбием и незлобием всех к себе привлекая,

кротостию же и смирением многи добродетельному пути научая. Темже любовию память твою, преподобне Серафиме, ублажаем.

**4. Стих:** Хвалите Его в кимвалех доброгласных, хвалите Его в кимвалех восклицаня./ Всякое дыхание да хвалит Господа.

**В** пустыню вселился еси, преподобне, и, тамо исполнився духовныя премудрости, на высоту добродетели возшел еси. Темже вопием ти: радуйся, церковное украшение, священником доброе утешение, иноком благолепие и похвале, Серафиме блаженне, моли Христа Бога мир вселенней даровати и душам нашим велию милость.

«Слава» – **глас 6:**

**Приидите**, иноков собори и постников сословие,/ приидите, христоименитых людей мно́жества,/ песньми истиннаго постника почтим, вопиюще:/ ра́дуйся, по стопам Владыки Христа узким путем управляемый,/ и притекающим к тебе в бедах и скорбех скорый помóщниче,/ и спасения ходатаю предíвный./ Ра́дуйся, даром пророчества украшенн́ый,/ прорицай, яко настоящая, грядúщая,/ молися, преподобне Серафíме, // о чтущих верою и любовию святу́ю па́мьять твою́.

«И ныне» – **Богородичен:**

**Богородице**, Ты еси лоза и́стинная,/ возрастившая нам Плóд животá,/ Тебе молимся, молися, Влады́чице,/ со святыми апóстола, // помíловати души на́ша.

**По Словословию:****Тропарь преподобного Серафима, глас 4:**

**От юности Христа возлюбил еси, блаженне,/ и, Тому́ Единому работати пла́менне вожделёв,/ непрестанною молитвою и трудом в пустыни подвиза́лся еси́,/ умилённым же сердцем любовь Христо́ву стяжа́в,/ избранник возлюблен Божия Матере яви́лся еси́./ Сего ра́ди вопиём ти:// спасай нас молитвами твоими, Серафиме, преподобне о́тче на́ш.**

**«Слава, и ныне» – Богородичен, глас 4:**

**Еже от века утаёное/ и Ангелом несведомое та́инство,/ Тобою, Богородице, сущим на земли яви́ся Бо́г,/ в неслы́тном соединении воплоща́ем/ и, Крест волею нас ра́ди воспри́йм,/ и́мже воскресив первозда́ннаго,// спасе от смерти души на́ша.**

**и отпуст.**

**НА ЛИТУРГИИ**

**Блаженны от канона первого песнь 3-я и второго канона песнь 6-я.**

**ПО ВХОДЕ:****Тропарь [храма], глас 8:**

**Благословен еси Христе Бо́же наш,/ Иже премудры ловцы́ явлéй,/ низпослав им Духа Свята́го,/ и теми уловлей вселённую,// Человеколю́бче сла́ва Тебе.**

**Тропарь храма Богородицы, глас 4:**

**Рождество Твое Богородице Де́во,/ ра́дость возвести всей вселённой:/ из Тебе бо возсия солнце правды Христос Бо́г наш,/ и разруши́в клятву, даде благословéние,// и упразднив смерть, дарова нам живот вечный.**

### Тропарь преподобного Серафима, глас 4:

От юности Христа возлюбил еси, блаженне, / и, Тому́ Единому работати пла́менне вожделёв, / непрестанною молитвою и трудом в пустыни подвиза́лся еси́, / умилённым же сердцем любовь Христо́ву стяжа́в, / избранник возлюблен Божия Матере яви́лся еси́. / Сего ра́ди вопиём ти:// спасай нас молитвами твоими, Серафиме, преподобне о́тче на́ш.

### «Слава» – Кондак преподобного, глас 2:

Мíра красоту и яже в нем тленная оставив, преподо́бне, / в Саро́вскую обитель всели́лся еси́ / и, та́мо а́нгельски пожив, / мно́гим путь был еси ко спасе́нию, / сего́ ради и Христос тебе, отче Серафиме, просла́ви / и да́ром исцелений и чудес обогати́. / Те́мже вопием ти:// радуйся, Серафиме, преподобне о́тче на́ш.

### «И ныне» – кондак храма Богородицы, глас 4:

Иоаким и Анна поношения безча́дства, / и Ада́м и Ева от тли смертныя свободистася Пречи́стая, / во святем рождестве́ Твоём. / То пра́зднуют и лю́дие Твои́, / вины прегрешений изба́вльшеся, / внего́да зва́ти Ти:// неплоды раждает Богородицу, и питательницу жизни на́шея.

### «И ныне» – Кондак [храма], глас 8:

Егда снизшед язы́ки сли́я, / разделяше языки Вы́шний: / егда же огненные языки разда́ше, / в соединение вся́ призва́, // и согласно славим Всесвятаго Ду́ха.

**Прокимен, глас 7:** Честна пред Господем смерть преподобных Его. **Стих:** Что воздам Господеви о всех, яже воздаде ми?

**Причастен:** В память вечную.

Память преподобного Серафима празднуется 2 (15) января – день представления (1833), второе обретение мощей (1991), а также 19 июля (1 августа) – первое обретение мощей (1903)